

於往時今既享單于聘貢之質師古曰享當也質誠也而更受其

逋逃之臣是貪一夫之得而失一國之心擁有罪之臣

而絕慕義之君也假令單于初立欲委身中國未知利

害師古曰假今猶言或當也私使伊邪莫演詐降以卜吉凶受之虧

德沮善師古曰沮壞也音材汝反令單于自疏不親邊吏或者設為

反閒欲因而生隙師古曰閒音居覓反受之適合其策使得歸曲

而直責師古曰歸曲於漢而以此直義來責也此誠邊竟安危之原師旅動

靜之首師古曰竟讀曰境不可不詳也不如勿受以昭日月之

信抑詐諛之謀懷附親之心便師古曰諛詐辭也音許遠反對奏天

子從之遣中郎將王舜往問降狀伊邪莫演曰我病狂